



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 4. 2019

Na kaminda padilanti – No pèrdè bo chèns!

“Kresementu nunca ta kestion di djis suerte; e ta resultado di forsan trahando huntú.”

James Cash Penney

Mi ta bini ku bon notisia. Nò, en realidat, ku gran notisia! Pues di kon bo no ta buska un òf dos amigu, i durante un kòpi di kòfi òf te malkriá bo mes den loke ta primintí di bira un lektura hopi interesante.

Den un tempu kaminda no tin masha bon notisia tokante e ekonomia lokal – tin hende ta pèrdè nan trabou, e estado di e futuro di e refinaria ta insigur, superfluidat di empleado frekuentemente di kompanianan formidabel ta pone mas preshon riba empleo aki i aya, entre otro aktividatnan ku ta hiba e ekonomia atras – nos mester buska e kos òf e kosnan ku ta bayendo tremendo riba e isla i selebrá nan! I nos lo selebrá! Kiko mi ta papiando di dje den e konteksto aki? E Bolsa di Balor lokal: e Dutch Caribbean Securities Exchange.

Nasé for di un idea pa duna empuhe na e Merkado di Kapital lokal, e Bolsa ta progresando den su alkanse i impakto, no solamente lokalmente pero tambe internashonalmente. Hopi ta

sosodiendo, asina tantu ku algun di boso por ta no a haña chèns di apresiá esei i loke e ta nifiká pa e perspektivanan di kresementu di e komunidad di invershonista lokal. Ta importante pa bo tuma nota, pa asina bo por evaluá kiko e desaroyonan aki ta nifiká pa bo i kualke oportunidatnan potensial ku nan lo por trese pa bo komo un invershonista òf pa bo kompania.

Kua ta e oportunidatnan, bo por ta puntrando? Wèl, tabatin basta un kantidat di desaroyonan durante e último par di luna; i e trayektoria i frekuensia di evento ta asombroso!

Desde su inisio, e Bolsa a krese den e kantidat di miembro ku awor ta outorisá pa operá bou di su reglanan i regulashonnan. Bèk den 2013, e Bolsa tabatin 15 miembro, 13 konsehero di kotisashon i 5 broker. Sinku aña despues i na final di 2018, e Bolsa awor ta broma ku 20 miembro, 17 konsehero di kotisashon i 6 broker. Kiko esaki ta nifiká pa bo? E ta nifiká ku bo tin mas opshon pa skohe for di dje si bo ta deseá di kotisá bo kompania. E ta nifiká tambe ku bo tin mas opshon pa skohe for di dje si bo ta deseá di invertí den kompanianan òf bononan kotisá. E ta nifiká ku e Bolsa ta kresiendo i moviendo den e direkshon korekto i esaki ta pinta bon pa e ekonomia lokal pasobra e ta un manera pa aktivá “sèn ku ta drumi” den nos komunidad.

E kotisashonnan tambe ta mashá variá. Na final di 2018, e Bolsa tabatin 10 bono kotisá, di kual tur ta emishonnan lokal i di kual 4 ta bononan emití dor di sektor privá! Laga esei senk den nos mente un momentu. Tin 4 bono emití i kotisá lokalmente riba nos Bolsa. Ken di ku haña finansiamentu serka un banko komersial ta e úniko opshon pa kompanianan rekoudá sèn? Esaki ta proba e punto di un forma bunita, ku tin un otro manera, i unu ku ta proba di ta finansieramente efisiente tambe den hopi kaso! Na e banda di akshon, tin 30 kotisashon di akshon, algun di esakinan (ainda) no por hasi negoshi kuné, loke ta nifiká ku bo no por kumpra òf bende nan (ainda), pero basta di nan por hasi negoshi ku nan i/òf pronto lo por hasi negoshi ku nan!

Importante ta, ku e alkanse di e Bolsa a bira internashonal! Basta un kantidat di kompanianan di base chines ta asosiando ku e Bolsa i ta kotisá nan kompanianan pa hasi negoshi kuné. Esaki ta nifiká ku komo invershonista bo tin un kantidat di kompanianan chines kresiente tokante di kua bo por tuma nota i posiblemente invertí aden. E trayektoria di e kresementu di e Bolsa inkluyendo mas interesnan internashonal – sea ku nan ta kotisashonnan di akshonnan internashonal òf konseheronan di kotisashon internashonal – ta nifiká ku e mundu di invershon na Kòrsou ta globalisando hopi mas aleu ku e kostanan di Kòrsou. Hopi kresementu ku ta wòrdu antispá den e merkadonan asiátiko por wòrdu importá dor di e preisnan di e akshonnan di e kompanianan di base chines aki i por baha direktamente den e sakunan di e invershonista sabí basta nan eksplorá.

Mi ta kere ku p'ami, e desaroyonan di mas importante, ta e lansamentu resien dor di e Bolsa di nan plataforma pa hasimentu di negoshi. Sí! Bo a lesa korektamente. Na komienso di febrüari 2019, e Bolsa a lansa su sistema pa hasi negoshi ku awor ta pèrmití hasimentu di negoshi outomátiko i pagamentu outomátiko di su kotisashonnan. Esaki ta fantástiko i awor e ta habri e porta pa invershonistanan chikí pa tuma parti den e oportunidatnan di e kotisashonnan kresiente ku awor ta disponibel riba Bolsa pa medio di un di e brokernan aprobá.

Hopi iresistibel, bo no ta kere? Laga nos no pèrdè e oportunidatnan ku ta wardando! Tuma kontakto ku un di e brokernan aproba dor di DCSX pa waak kon abo tambe por kuminsa forma parti di e desorojo positivo aki.!! E lista di brokernan aproba dor di DCSX ta riba www.dcsx.cw/list-brokers

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki a wòrdu presentá na bo pa e DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.

